



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-7648/21
Sarajevo, 08.03.2021. godine

Na osnovu člana 70. st. (1) i (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 14. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj 2/12 – Prečišćeni tekst, 41/12, 8/15, 13/17, 50/20 i 51/20), a u vezi člana 13. stav (1) tač. 2) i 6) Zakona o zdravstvenoj zaštiti („Službene novine Federacije BiH“, br. 46/10 i 75/13), Ministar zdravstva Kantona Sarajevo, d o n o s i

R J E Š E N J E

o imenovanju Komisije za pripremu odluke o utvrđivanju većeg obima zdravstvenih prava na području Kantona Sarajevo

I

Imenuje se Komisija za pripremu Odluke o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo (u daljem tekstu: Komisija) u slijedećem sastavu:

- Mr. sci. med. dr, Senad Maksić, – Predsjednik komisije,
- Sakib Katana, dipl. oec, – član,
- Mr. sci. med. dr, Alen Pilav, – član,
- Dr Seniha Čelik, spec. socijalne medicine, organizacije i ekonomike zdravstva, – član,
- Safeta Borovac, dipl. oec., – član,
- Alen Katović, dipl. pravnik, – član,

II

Zadatak Komisije iz tačke I ovog rješenja, je da u skladu sa Odlukom o utvrđivanju osnovnog paketa zdravstvenih prava („Službene novine Federacije BiH“, broj 21/09), utvrdi slijedeće:

- osnove, kriterije i mjerila za ugovaranje zdravstvene zaštite između Zavoda zdravstvenog osiguranja Kantona Sarajevo i zdravstvenih ustanova, saglasno Jedinственој методологiji којом се ближе utvrđuju kriteriji i mjerila za zaključivanje ugovora između nadležnog zavoda zdravstvenog osiguranja i zdravstvene ustanove („Službene novine Federacije BiH“, br. 34/13 i 90/13);

- obim zdravstvenih prava za pružanje usluga zdravstvene zaštite osiguranicima Kantona Sarajevo, u odnosu na prava utvrđena Odlukom o utvrđivanju osnovnog paketa zdravstvenih prava („Službene novine Federacije BiH“, broj 21/09) i Naredbom o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine Federacije BiH“, br. 82/14, 107/14 i 58/18);

- strukturu i obim zdravstvenih usluga u zadovoljavanju potreba osiguranih lica u Kantonu Sarajevo, za uslugama primarne zdravstvene zaštite, specijalističko-konsultativne zdravstvene zaštite, bolničke zdravstvene zaštite, laboratorijsko-dijagnostičke djelatnosti za sva tri nivoa zdravstvene zaštite, hitne medicinske pomoći, higijensko-epidemiološke djelatnosti i javnog zdravstva i ostale djelatnosti (npr. apotekarska djelatnost, posebni programi koji nisu obuhvaćeni standardima i normativima zdravstvene zaštite).

III

Predsjednik i članovi Komisije iz tačke I ovog rješenja imenuju se na period od šest (6) mjeseci do kada su obavezi okončati povjerene zadatke iz tačke II rješenja.

Predsjednik i članovi Komisije imaju pravo na naknadu koja će se isplaćivati iz sredstava Zavoda zdravstvenog osiguranja Kantona Sarajevo i to predsjedniku u iznosu od 150 KM, a članovima u iznosu od 100 KM. Isplata naknade vršit će se mjesečno.

IV

Stupanjem na snagu ovog rješenja stavlja se van snage rješenja ovog ministarstva i to: Rješenje broj: 10-37-35001/16 od 19.12.2016. godine, Rješenje broj: 10-37-35001-1/16 od 18.11.2019. godine i Rješenje broj: 10-04-7658/20 od 12.03.2020. godine.

V

Ovo rješenje stupa na snagu danom donošenja.

O b r a z l o ž e n j e

U cilju osiguranja adekvatne zdravstvene zaštite osiguranicima Kantona Sarajevo, kao i zakonitog i pravilnog uspostavljanja ugovornog odnosa između Zavoda zdravstvenog osiguranja Kantona Sarajevo i zdravstvenih ustanova sa područja Kantona Sarajevo o finansiranju zdravstvene zaštite iz obaveznog zdravstvenog osiguranja, odlučeno je da se formirana nova Komisija za pripremu nove Odluke o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama, sa područja Kantona Sarajevo. Važeća Odluka o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama, sa područja Kantona Sarajevo („Službene novine Kantona Sarajevo“, broj 37/09), nezadovoljava stvarne potrebe osiguranika Kantona Sarajevo za zdravstvenom zaštitom. Donošenjem u maju 2013. godine, Jedinstvene metodologije kojom se bliže utvrđuju kriteriji i mjerila za zaključivanje ugovora između nadležnog zavoda zdravstvenog osiguranja i zdravstvene ustanove („Službene novine Federacije BiH“, br. 34/13 i 90/13), propisani su drugačiji načini ugovaranja u odnosu na važeću kantonalnu odluku. Takođe obim izmjena i dopuna koje bi trebalo ugraditi u važeću kantonalnu odluku prelazi 50% teksta, tako da se predlaže donošenje nove odluke o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama, sa područja Kantona Sarajevo

Komisiju čine predstavnici Zavoda zdravstvenog osiguranja Kantona Sarajevo, JU Zavod za javno zdravstvo Kantona Sarajevo, Kliničkog centra Univerziteta Sarajevo, privatnog zdravstvenog sektora i Ministarstva zdravstva Kantona Sarajevo.

U skladu sa naprijed navedenim, odlučeno je kao u dispozitivu rješenja.



Dostaviti:

1. Predsjednici i članovima Komisije;
2. Zavodu zdravstvenog osiguranja Kantona Sarajevo;
3. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

